

## में बेटी जाट की

बाबो म्हाने भोलाय गयो पूजा, गांव गयो दूजा  
जीमो जी कांई आंट जी  
करमा म्हारो नाम, योहिछे म्हारो गांव  
में बेटी जाट की

उठ सी में स्नान मैंने कीनो, खोल मिन्दर गुहारो दिनो  
ल्याई धोलकी गाय को दूध, उठोजी थेतो मुंडो धोयकर पीलो  
जीमो जीमो खिचड़ो आज, घी की तो कांई बात  
कड़ी तो घालूं छाछ की  
करमा म्हारो नाम, योहिछे म्हारो गांव  
में बेटी जाट की

काल थारे तांई सीरो बनाऊं, पानी मिठोड़े कुएं रो लाऊं  
मूंगा री दाल जम घी की नाल, थाने छोटा छोटा फलका जिमुऊं  
प्रभु भावे सोही ले लीजो, सरम मत कीजो  
कमी ना कोई बात की  
करमा म्हारो नाम, योहिछे म्हारो गांव  
में बेटी जाट की

और कांई थारा हुकम बजाऊं, थे जिम लियो तो मैं भी रोटी खाऊं  
धाबलियो रो पर्दो लगाऊं जी, मैं तो पुठ फेर बैठ जाऊं  
प्रभु रुच रुच भोग लगावे, देखती जावे सूरतीया श्याम की  
करमा म्हारो नाम, यो  
हिछे म्हारो गांव  
में बेटी जाट की

प्रभु और थारे तांई कांई लाऊं, थे जीम लियतो मैं भी चरु कराऊं  
काल जिमनने बेगा आईजो जी, थाने डोबा की राबड़ी जिमाऊं  
करमा बोले आज मैं जाऊं काल बेगी आऊ ,  
बात बड़ी प्रेम की  
करमा म्हारो नाम, योहिछे म्हारो गांव  
में बेटी जाट की

बाबो म्हाने भोलाय गयो पूजा, गांव गयो दूजा  
जीमो जी कांई आंट जी  
करमा म्हारो ना

<https://www.bhajanganga.com/bhajan/lyrics/id/17310/title/main-beti-jaat-ki>

अपने Android मोबाइल पर [BhajanGanga](#) App डाउनलोड करें और भजनों का आनंद ले |

